

四庫全書總目

上海大東書局印行

第 三 十 二 冊

- | | |
|--------|---------|
| 卷一百三十二 | 雜家類存目九 |
| 卷一百三十三 | 雜家類存目十 |
| 卷一百三十四 | 雜家類存目十一 |
| 卷一百三十五 | 類書類一 |
| 卷一百三十六 | 類書類二 |
| 卷一百三十七 | 類書類存目一 |

欽定四庫全書總目卷一百三十二

子部四十二

雜家類存目九

羣書摘草五卷

左都御史張若澄家藏本

明王國賓編國賓號養默武進人萬歷甲戌進士其作此書時方監權杭州北新關未詳其終於何官也其書仿庾仲容子鈔馬總意林之例摘取家語以下至明張時徹說林三十二種附以兵書七種每種各摘數段無所持擇蓋亦當時書帕之本

蘭苑四卷

浙江巡撫孫述本

明呂坤輿坤有四禮疑已著錄此編乃其爲山西按察使時所作前一卷爲嘉言皆採六經及女誡女訓諸文爲之訓釋後三卷爲善行分女子婦人母道各一卷敘其本事而繪圖上方竝附以贊文頗淺近取易通俗也當時嘗傳入禁中神宗以賜鄭貴妃妃重刻之後妖書案起遂以是書爲口實朱國禎湧幢小品曰呂新吾司寇廉察山西纂閩範一書焦弱侯以使事至呂索序刊行弱侯亦取數部入京鄭貴妃之姪國泰乞取添入后妃一門而貴妃與焉眾大譁謂鄭氏著書弱侯交結爲序將有他志云云所紀與史小異然國禎與焦竑爲友目睹刊本所記似得其真此本無鄭貴妃序當爲坤之原本也

百子咀華十四卷

兩江總督孫述本

明胡效臣編效臣字鍾衡黃州人萬歷丙子舉人官旌德縣知縣是書取諸子之文而割裂之或摘其一段或拾其數語或撮其數字以供時文獮祭之用首列左傳次孟子次子集次則以儒家道家法家兵家分類又以明人所著參錯於古人之中不知其體例何在又題曰焦竑批評竑之陋何至於此其依託可不問而知也

琅玕代醉編四十卷

編修汪如璧家藏本

明張鼎思撰鼎思有琅琊曼衍已著錄是編乃其自給事中謫滁州時雜鈔諸史百家之言臚次成書名曰代醉編者歐陽修在滁州時有醉翁亭鼎思適宦其地以著書代飲酒也其書體例龐雜無所折衷考訂特借以消閒遣日而已

蘭芳錄二卷

江蘇巡撫採進本

明徐三重撰三重有餘言已著錄是編皆錄古人輕世遺榮之事分內外二篇自序謂內篇近自得外篇稍假物緣亦不入世果然曾點之沂水春風置之外篇葉夢得之讀書飲酒置之內篇殊不曉其優劣之旨首冠以論語飯疏食一章賢哉回也一章則題曰孔顏樂事又不在內外篇之數則恐失講學本色耳

警語類鈔八卷

安徽巡撫採進本

明程達撰達字順甫清江人萬歷丁丑進士官至漳泉兵備道是編取先哲格言善行分類編次其目六十割裂尤雜殊無倫次凡例云是編重理學故諸語要語獨詳然於仙則信淮南之上昇主母之降漢於釋則言滅佛之報應談禪之超悟均不免自亂其例也

諸經品節二十卷

通行本

明楊起元編起元有證學編已著錄是編刪纂道釋二家之書道家凡陰符經道德經南華經太元經文始經洞古經大通經定觀經玉樞經心印經五廚經護命經胎息經龍虎經洞靈經黃庭經十六種釋家凡楞嚴經維摩經心經金剛經六祖壇經圓覺經楞伽經藥師經法華經無量壽經彌陀經孟蘭經十二種揚雄太元本爲擬易諸史皆著錄於儒家此引之道家始皆人老易歸之旨至列子冲虛經刪而不載又不明其故矣起元傳良知之學遂沒淫入於一氏已不可訓至平生讀書爲儒登會試第一官躋九列所謂國之大臣民之表也而是書卷首乃自題曰比丘尤可駭怪矣

沈氏學說十六卷

浙江巡撫採進本

明沈堯中撰堯中字執甫嘉興人萬歷庚辰進士官至刑部尚書其自序曰爲綱二十有四爲目三百五十有八皆宇宙內鴻鉅之事非草木鳥獸之類然雜採舊文無所考訂亦無所別擇如日月星宿諸占全錄天官書而不知太初之法最爲疎漏論周官則過信俞庭樞之說以爲冬官不亡散見五官而不知割裂五官有乖經義蓋雜駁之學也

霞外塵談十卷

浙江巡撫採進本

明周應治編應治字君衡鄞縣人萬歷庚辰進士楊德周序稱爲觀察不知官何首何道也是書輯隱逸高尚之事分霞想鴻冥恬尚瞻覽幽賞清鑒達生博雅寓因感適十類大抵以世說新語爲藍本而稍以諸書附益之至於雲仙散錄師古僞杜詩註之類影撰故實亦皆摭拾殊無別裁又多不見原書輒轉裨販如披裘公不取遺金王摩詰詩中有畫列子鄭人蕉鹿諸條九割裂不成文理至於宗惡乘風破浪鮑生憂妾換馬全與高隱無關不過雜湊以盈卷帙耳

宋賢事象二卷

浙江巡撫採進本

明李廷機撰廷機有漢唐宋名臣錄已著錄是編雜採史書說部所載宋人行事分爲四十三類首有自序謂宋之世風人材頗類今日言論行事往往有可用者云云宋明之季儒者如出一轍此類亦可以觀矣

說類六十二卷

安徽巡撫採進本

明葉向高編林茂槐增刪向高字進卿號雲山福清人萬歷癸未進士官至東閣大學士諡文忠事蹟具明史本傳茂槐有諸書字考已著錄是書摘唐宋說部之文分類編次每類之下各分子目每條下悉註原書然皆習見之典別無新異其上細書評語體例尤爲近俗

遜世編十四卷

兩淮鹽政採進本

明錢一本撰一本有像象符見已著錄是編紀古來隱逸之士自唐虞至元分神隱真隱儒隱節隱俠隱折隱

達隱高隱別隱九類無雜殊甚疎濶尤多如不知姓名謂之眞隱然所謂阮籍過蘇門山人卽是孫登不得曰無姓名也又顧阿瑛以晚年祝髮入之別隱褚伯秀本爲黃冠乃入之高隱梁鴻無排難解紛之事乃入之俠隱林靈素說請羽流亦曰別隱皆未爲允協其他亦多科配未確簡擇未當有一本研心經學所著易解能自成一家之言不應此書獨乖刺如是蓋一本以建言罷歸姑借此以抒忘情仕宦之志考據則非其所關意也

廉平錄五卷

江蘇巡撫
採進本

明傅履禮高爲表同撰履禮題長蘆鹽運司知事爲表題滄州學正其始末均未詳也是書採前代至明事蹟分類編輯凡廉錄三卷曰卿相曰館閣曰憲臺曰省部曰監司曰守令曰武臣平錄二卷曰畿內曰外藩曰郡州曰列縣廉者操守平者聽斷也每類之中各以時代爲次萬歷戊子長蘆巡鹽御史東莞譚耀刻之蓋耀命二人編輯以充書帕者耳

焦氏類林八卷

江西巡撫
採進本

明焦竑撰竑有易堅已著錄是編前有自序謂庚辰讀書有感葛稚川語遇會心處輒以片紙記之殘葉委於篋笥李君士龍見之乃手自整理取世說篇目括之其不盡者括以他目書之簿中之斷文以青黃則士龍之爲也士龍爲上元李登字然則竑特偶爲標出而成此書者則登也凡分五十有九類皆非奇祕之文

二十九子品彙釋評二十卷

江蘇周厚
堉家藏本

題曰翰林三狀元會選前列焦竑翁正春朱之蕃三人名其書雜錄諸子心無倫次評語亦皆託名謬陋不可言狀蓋坊賈射利之本不足以當指摘者也

用居乙記四卷

浙江巡撫
採進本

明方大鎮撰大鎮有何新義已著錄是編乃其家居讀書時所作自序謂遇有賞心輒乙其處命兒子錄之故名

乙記分四門一曰潛見分記學記住二子目二曰奎宰分記君記臣三子目三曰伐關分記操持記作用二子目四曰居息分記家論記性命二子目所錄雖皆前人格言善事然條綴原文無所闡發其出處或註或否體例亦不畫一

省括編二十三卷

編修歸守
講家藏本

明姚文蔚撰文蔚有周易勿註會通已著錄是編採史傳中先機應變之迹自春秋至元季彙爲一書分言事兵爲三類以省括名綱蓋取太甲若虞機張往有括於度則釋之義然兵亦事也分類未允間有論斷亦未見特識特書生好談作用者耳

智品十三卷

安徽巡撫
採進本

明樊玉衡撰於倫補其玉衡字元之萬歷乙未進士官崑山縣知縣倫字惇之萬歷辛丑進士官至右通政皆黃岡人是編蒐輯古初至明代用智之事分爲七門一曰神品察兆於未萌者也二曰妙品知幾於將至者也三曰能品救敗於已然者也四曰雅品端士之善應變者也五曰具品小才之偶見長者也六曰謫品純任術者也七曰盜品陰賊害正者也雜隸古事而皆不著其所出如趙簡子欲殺孔子之事出宋人僞子華子管仲請事出管子輕重諸篇詞皆依託而信爲實然未免失於考證又輔過絺疵得列神品與大禹同科而文王周公乃僅入妙品殊爲倒置全寶良女蠟書滅賊厥志可尚而乃列之盜品中尤乖刺矣

再廣歷子品粹十二卷

江蘇周厚
怡家藏本

舊本題明湯賓尹編賓尹字嘉賓真城人萬歷乙未進士官南京國子監祭酒考明史藝文志及江南通志皆無此書名卷前題爲百大家批評會元湯賓尹輯諸名筆錄註書林余象斗梓前有賓尹序稱雙峰堂余君錢正歷子行矣爰授以廣歷子云云卷端稱再廣歷子中繼又稱續廣歷子已參錯無緒而所列二十四家子書又多杜撰名目如六韜謂之尙父子詩外傳謂之韓詩子潛夫論謂之王符子忠經謂之馬融子劉晝新論謂之孔昭子

論衡謂之王充子前後出師表謂之孔明子陸贄奏議謂之陸宣子略實王集謂之實王子殆於一字不遺其詳雖僅工時文原非讀書稽古之士亦不荒謬至此疑或託名歟

續說郭四十六卷

通行本

明陶珽編珽姚安人萬歷庚戌進士是編增輯陶宗儀說郭迄於元代復雜鈔明人說部五百二十七種以續之其刪節一如宗儀之例然正嘉以上淳朴未漓猶頗存宋元說部遺意隆萬以後運趨未造風氣日偷道學侈稱卓老務譚禪宗山人競述眉公矯言幽尚或清談誕放學者未而不成或綺語浮華沿青梁而加甚著書既易人競操觚小品日增危言惡扇求其卓然蟬蛻於流俗者十不一三斑乃不別而漫收之白華黃牙殊為允蘊至其失於考證時代不明車若水之脚氣集以宋人而見收鮮于樞之箋紙譜以元人而闕入又其小疵矣

智囊二十八卷

內府藏本

明馮夢龍編夢龍有春秋衡庫已著錄是編取古人智術計謀之事分為十部亦間係以評語俟薄殊甚

智囊補二十八卷

內府藏本

明馮夢龍撰夢龍先於天啟丙寅成智囊一書以其未備復輯此編其初刻補遺一卷亦散入各類

譚業三十六卷

內府藏本

明馮夢龍撰是編分類彙輯古事以供談資然體近俳諧無關大雅

知非錄二卷

浙江巡撫採進本

明黃時耀編時耀字德韜號我素新都人是書成於萬歷庚子雜鈔諸書分為內外二篇內篇之目凡六百立志成為學次存心次檢身次處家次應世外篇之目凡三曰閒適曰攝養曰禪觀各目之中又自分子目頗為繁雜其內篇勦取近思錄自警編讀書錄白沙集傳習錄居業錄學壤集等書彙合而成端緒已多岐出外篇則竟涉異學矣蓋心學盛行之時無不講三教歸一者也

學古適用篇九十一卷

浙江巡撫採進本

明呂純如撰純知字孟諧一字益軒吳江人萬歷辛丑進士官至兵部侍郎是編採前代至明凡前事之可爲後法者分類編次爲九十一門亦開附以論斷前有自序謂馮基岡經世實用義在憲章當世而明以前存而不論馮琢菴經濟類編羅列雖多間或不適用於萬思默經世要略其揚推者止於就人彙事未嘗就事求人茲編大意仿三書之體而所列事實則以適用於用者爲主然事變靡常情勢各異嚮之古方今病貴於臨證詳求亦未可執以一定之法遽謂之適於用也

經史典與六十七卷

浙江巡撫採進本

明來斯行編斯行蕭山人萬歷丁未進士官至福建右布政使是編於經取易詩書春秋左傳禮記周禮於史取史記前後漢書各摘其字句標題於前而以經史原文及註詳列於後蓋以備詞章採擇之用不爲考證設也斯行自序云昉跡於漢情諸篇然考林鉞漢情隨事輯類此則不分門目逐卷鈔撮專採字句之可用者蓋近司馬光徵語之例非漢儒例也書凡六十七卷而序云八十六卷豈其後有所歸併未及追改前序歟

宗藩訓典十二卷

江蘇周厚圉家藏本

明馮柯撰柯字貞白慈谿人以薦舉侍養靖王書室是編即奉襄王令所作取史書中諸藩封行事可爲勸戒者摘錄其略各條以評起泰漢迄金元得宗屬七百二十三附與事之臣八十六共爲評一千一百三十八萬歷壬寅其子瑛進之王府命工刊刻

清寤齋欣賞編一卷

江蘇巡撫採進本

明王象晉撰象晉有琴芳譜已著錄是書分六類曰操生要覽曰飯身懿訓曰佚老成說曰涉世善術曰書室清供曰林泉樂事皆據明人說部爲之猶陳繼儒諸人之習氣也

稗史彙編一百七十五卷

浙江吳玉壩家藏本

明王圻撰圻有東吳水利考已著錄是書搜採說部分類編次爲綱者二十八爲目者三百二十所載引用書目凡八百八種而輾轉裨販虛列其名者居多如三輔決錄吳錄三齊略記太原記湘中記雞林志申子尸子之類圻雖博洽何由得見全帙又卷首雖列書名卷中乃皆不註出處是直割裂說部諸編苟盈卷帙耳

增定玉壺冰二卷

浙江巡撫採進本

明閔元衡編元衡有羅江東外紀已著錄初都穆採古來高遠之事項曰玉壺冰寧波張孺原稍刪補之題曰廣玉壺冰元衡以爲未盡復增定此編分紀事紀言爲二卷仍列穆之原書於所加者則註增字以別之山人墨客其盛於明之末年刺取情言以誇尚致亦一時風尚如是也據浙江通志此二卷外尚有補玉壺冰一卷亦元衡所著此本不載殆偶佚歟

古今長者錄八卷

兩江總督採進本

明黃文昭撰文昭字季弼晉江人萬曆中諸生是編輯周泰以迄明代忠厚長者之事大抵皆取其一節故人品不甚別擇未附別品六則則似薄而實厚者其尊俗之心甚善書則不免蕪雜也

洄詞記事鈔一卷附明良記四卷

江蘇巡撫採進本

明李鶚神編鶚神字如一江陰人洄詞本崔銑所著文集鶚神摘其論宋事及明初事蹟者六十一則爲書其不涉記事者皆不錄續鈔三十六則皆前所挂漏也鶚神自題云兩鈔成於庚子秋備閱七載今春哀諸說部梓行之發篋得前鈔因同楊憲副二記附爲一帙今二鈔之後惟楊儀明良記四卷前有鶚神小引稱與保孤一記皆係秘本則所謂二記者乃合保孤記言之而此本佚其一耳

清賞錄十二卷

浙江歸安蘇家藏本

明張翼包衡同撰翼字二星餘杭人衡字彥平秀水人二人皆久困場屋棄去制義因其購聞古書採摭雋語俾事積而成帙一刻之秀州一刻之武林翼遊盤谷又重刻焉然多習見之詞特剽剽成書無裨考據

十可篇十卷

浙江巡撫
採進本

明馬嘉松編嘉松字曼生平湖人萬歷末諸生是書摘錄子史及諸家小說分爲十篇曰可景可味可快可鄙可混可坦可遠可諧可嘉可剛前有陳繼儒序及自序其可景可味可嘉三編多取古人嘉言善行以爲法餘七編多取古人醜行收德以爲戒然徵引錯雜絕無體例評語尤多傷輕薄

舌華錄九卷

浙江巡撫
採進本

明曹臣撰臣字蓋之歙縣人是書取前人問答語分類編輯凡十八門世說新語之餘淡也所錄皆取面談凡筆札之詞不載故曰舌華取佛經古本遺華之意上起漢魏下逮明人頗爲猥雜原序亦自言近時之事多所刪飾則非盡實錄可知矣

元壺雜俎八卷

安徽巡撫
採進本

明趙爾昌撰爾昌字慶叔錢塘人官宣城縣知縣是書雜採史傳說部鈔合成編分勝事名言二紀各爲四卷大致欲仿沈括清夜錄周密燈錄之體而採掇無難或註所出或不註所出亦無定例不過陳繼儒之流耳前有萬歷辛亥首繼頁序稱采之古者什七裁之今者什三則其隨意成書不盡有典據可知矣

敎家類纂八卷

編修歸守
家藏本

明薛夢李編夢李字近泉嘉興人是書成於萬歷壬子應取前人家訓及勸善諸書彙集成編附以議論分四門首圖說次敦倫次治家次省身其言淺近蓋專爲愚蒙而設圖說拾拾湊合深者爲心學諸圖非常人所解便者至於繪畫故事係之以說如云這一箇門內站的人是某朝某人云云又失之太鄙亦殊無雜不倫也

益智編四十一卷

浙江巡撫
採進本

明孫能傳撰能傳有諡法纂已著錄是書成於萬歷甲寅凡分十有二類曰帝王曰宮掖曰政事曰職官曰財賦曰兵戎曰刑獄曰說詞曰人事曰過塞曰工作曰雜事每類各爲子目凡七十有四俱雜採古來設奇應變之事

開附評語其凡例有日期於盡事而止不復註所出書又曰所採事多斷章取義其始末應述不及致詳又曰是編雅俗並收事多略駁但取益人意智真贗勿問之矣云云是其書之不足據能傳已自言之矣

法教佩珠二卷

山西巡撫採進本

明林有麟撰有麟有青蓮筋翠雅已著錄是書成於萬歷甲寅雜採儒先格言及二氏因果之語前有許樂善序稱其摘菁華於三教漱芳潤於百家則固明言其難以釋道非純然儒者之書矣

經世環應編八卷

內府藏本

明錢繼登撰繼登字爾先又字龍門嘉善人萬歷丙辰進士官至僉都御史是書所採皆史籍權變之術亦省括編之流也

懷林漫錄十卷

浙江巡撫採進本

明瞿式耜撰式耜字起田常熟人萬歷丙辰進士官至右僉都御史巡撫廣西晉文淵閣大學士兼兵部尚書大兵下廣西抗節死之事蹟具明史本傳乾隆四十一年 賜諡忠節是編成於崇禎丙子雜鈔諸儒之言分爲

學問居心規家酬世在位積德讀書先竟攝生依隱十篇儒墨兼陳蓋林居時錄以自警大旨歸於爲善而已非辨別學術之書也

掌錄

無卷數 安徽巡撫採進本

舊本題繡雲居士撰不著姓名時代其鈔書格紙邊頁刊繡雲居士蓋猶其手彙卷首小序之末有私印曰李格而卷中天台陳剛中一條下有自註亦稱格少失記特則李格所作又上闕有一條云吾邑顧升伯入丁未會場特落一人名而登所善門生李光元考文秉定陵註略載萬歷丁未湯賓尹爲同考官有陰燬申時行子殊卷而改中江西李光元事非顧升伯所記爲誤然可知格爲萬歷以後人也其書雜鈔說部漫無體例多取之於說部亦無異聞其曰掌錄意其取拾遺記蘇秦張儀錄書掌中事也

檢書隨筆三十卷

兩江總督
孫達本

明楊宗吾撰宗吾字伯相成都人官錦衣衛指揮大學士廷和之曾孫修撰慎之孫也是書爲類二十有四採掇瑣碎分條編載世近類書而當時邸報及其祖父遺事亦間附焉又有數條乃駁陳耀文正楊之非及陳建通紀載楊廷和事之誤又麗句瑣語二門專取詩文詞藻與全書體例皆不相類殊爲報雜自序稱不問人之棄取惟意是採今古駁雜積成數卷蓋亦道其實也

厚語四卷

浙江巡撫
孫達本

明錢謙益撰字懋登海鹽人萬歷中由貢生官於潛縣訓導是編皆錄長厚之事可爲世法者故曰厚語分十六類皆以明人居前而古事以類列於後其凡例謂耳目所逮尤易信從云

偶得紺珠一卷

內府
孫本

明黃秉石撰秉石字復子江寧人萬歷中以薦爲推官官至嚴州府同知是編雜採諸書鉅鈔少緒又多不註出

典蓋隨手筆記未有詮次體例也

培墨居雜錄四卷

浙江巡撫
孫達本

明鄭端允編端允字思孟海鹽人鄭曉之曾孫也是書雜採諸書勸戒之言至太上感應篇亦所不遺雖意主訓誨而其言不盡出於儒者蓋雜家流也

廣百川學海

無卷數
兩江
總督孫達本

舊本題明馮可賓編可賓益都人天啟壬戌進士是編於正續百川學海之外摭拾說部以廣之分爲十集以十千標自然核其所載皆正續說部所有版亦相同蓋姦巧書賈於說部印版中抽取此一百三十種別刊序文目錄改題此名託言出於可賓也

湘煙錄十六卷

浙江吳興
孫家藏本

明閔元京凌義渠同編元京字子京烏程人義渠之舅也未詳其所終義渠字駿甫此書亦題為烏程人而太學題名碑作歸安人蓋二縣同為湖州倚郭也天啟乙丑進士官至大理寺卿崇禎甲申殉國難世祖皇帝賜諡忠介事蹟具明史本傳其人自足不朽而其書乃不出明末山人之習所分思間清檢閱訊舉書史談明金荃補草志詳目備記十門標名譏異大致欲仿段成式酉陽雜俎其難採薪事各註所出之書則欲仿馮翊雲仙雜記意在標舉幽異而不免於剽竊類書如杜甫甫雨今雨之語見於本集原非僻書而註曰六帖不知白居易六帖無唐事有唐事者乃宋孔傳續六帖是既已諫漏且復舛誤又卷首參訂姓名列蓋斯張為第二而書中多引廣博物志即斯張所纂類書既非其所自撰何不出斯張所著書名乎鋸拾無根斯亦顯證矣

雲漢遺墨六卷

明沈嘉禾撰家藏本

明本增撰增字生自雲南麗江土司世襲上知府以助餉征蠻功晉秩左布政使年甫三十即謝職天啟五年特給諭命以旌其忠增好讀書多與文士往還其書蓋其隨筆摘鈔之本大抵直錄諸書原文無所闡發又多參以釋典道藏之語未免糅雜失倫特以其出自遠裔故當時頗傳之云

子史碎語二十四卷

浙江巡撫採進本

明胡尚洪編尚洪字叔開宣城人是編成於天啟丙寅明史藝文志著錄然皆採摭諸書鉅帙而成分造化人事若道臣術四門又分子目三百八十有三類碎究難無復餘理三墳天祿閣外史心書之類皆為妄顯然者亦皆採錄至如割裂郭象莊子註謂之郭子亦自我作古前此未聞也

諸子拔萃八卷

內府藏本

明李雲翔編雲翔字為霖江都人是書成於天啟丁卯取坊本諸子彙函割裂其文分為二十六類其杜撰諸子名目則一仍其傳古今龍誕鄙陋之書至諸子彙函而極此書又為之重倍天下之大亦何事靡有也

騎湖樵書十二卷

安撫道撫採進本

明來集之撰集之有煩易隔通已著錄是書初編六卷二編六卷皆採摭唐宋元明諸家之說以類相從排纂其文而總括立一標目或雜引古書而論之或先立論而以古書證之徵摭繁富頗有考證之盛而網大不指彙釋特甚亦多有迂僻可笑者如論經篇中引名賢錄所載宋章樵遇李全之亂率諸生盛服坐堂上講論寇至斂刃而退事又引宋濂集所紀宋鄭霖講中席一篇使寇退不敢攻城事以為讀經之效勝於修齋其他引讀經却鬼治病事不一而足然則以孔門聖籍為二氏之符籙經緯矣

博學彙書十二卷

內府藏本

明來集之撰凡讀書所得隨筆記錄不分門目惟以類相從鱗次櫛比俾可互證視他書最難無次者較為適之然所採多小說家言如拾遺病冥諸記是豈足取以為據乎

堯山堂外紀一百卷

浙江鮑士家藏本

明蔣一葵撰一葵字仲舒常州人堯山其讀書堂名也是書取記傳所載軼聞瑣事擇其稍僻者輯為一編上起古初下迄明代每代俱以人名標目雅俗並陳真偽並列殊乏簡汰之功至以明諸帝分編入各卷之中尤非體例矣

家規輯要

無卷數 江西藏本

明胡繩撰繩有拾遺錄已著錄是書仿溫公家範呂氏鄉約之意採輯舊文排纂成編大槩為中人以下設也

筆記二卷

浙江孫仰曾家藏本

明陳繼儒撰繼儒有邵康節外紀已著錄此書取雜事碎語鈔錄成帙略無倫次惟所載陸完岐顏書朱巨川告身一篇為鐵網珊瑚清河書畫勅諸書所未收亦可以備參考然已載所著見聞錄中此亦複出也

讀書十六觀一卷

浙江孫仰曾家藏本

明陳繼儒撰採古人成語自呂賦以下凡十六條聯綴成編以為讀書之法命名之義蓋擬浮屠氏之十六觀

經也後有跋云寫前觀畢夢有老人自稱斷輪翁云云雖本寓言究涉荒渺此編嘗刻入藏書中與書畫史誤合爲一今析出別著於錄焉

聖碑錄一卷

內府藏本

明陳繼儒撰其書隨筆紀錄不暇考辨故以羣碎爲名前有自跋謂讀書者一字一語不忍棄之然不應瑣雜如是也

珍珠船四卷

內府藏本

明陳繼儒撰是書雜採小說家言湊集成編而不著所出既病冗蕪亦有謬舛蓋明人好剽襲前人之書而割裂之以掩其面目萬歷以後往往皆然繼儒其尤著者也

銷夏四卷

內府藏本

明陳繼儒撰其書雜錄清勝之事取其可以銷夏如冰荷玉帳見於諸小說家者靡不採錄纖仄瑣碎亦可謂徒費心力矣

薛家四卷

內府藏本

明陳繼儒撰繼儒既作銷夏四卷又成此書義例與銷夏相類如絨座鳴鴨之類皆泛載之尤爲拉雜古今韻史十二卷

明都御史黃登賢家藏本

明陳繼儒撰是書摭拾諸書雋語分類編次凡韻人二卷韻事二卷韻語三卷韻詩一卷韻詞一卷韻物一卷皆以古事與明人事參錄亦世說新語之支流而纖佻彌甚

福壽全書

內府藏本

明陳繼儒撰皆錄前賢格言遺事自惜福以至好還凡分二十類多以因果爲說蓋意在懲惡勸善而徵引糅雜遂近於小說家言

廣銷夏一卷廣辭寒一卷銷夏補一卷辭寒補一卷銷夏再一卷辭寒再一卷寒夏合再一卷編修勵守家藏本

明周詩雅撰詩雅有南北史鈔已皆錄是編本陳繇備銷夏辭寒二書更皆此以推衍之編拾叢雜較之繇原書風更下矣

可如六卷浙江巡撫採進本

明董德鏞撰德鏞字孔昭鄞縣人其書取禽獸魚蟲之事合於忠孝節義者分類摘錄共六十三門每門又各爲標目皆冠以可如二字如云可如鴨可如鷺之類頗爲近俚自序謂諸書所載散見而不聚隱而義未顯故特表以出之其名禽獸魚蟲其事則人也其目可如者蓋心存乎勸戒也逐條之下附以評語大抵憤世嫉俗之詞有所激而然也昔開封阮漢聞嫉明未將帥之怯懦因輯古來婦人行兵制勝之事編爲二卷題曰女軍書以深愧之德鏞此編其用意與之相類蓋明之末造人心世道無不極敝故士大夫發憤著書往往如是云

枕函小史無卷數內府藏本

明閔子忱編子忱始末未詳是編凡分二種一日讀史探錄米志林議論二日壽史雜記古人癖事各加評點總不出明季佻繹之習

掃聖錄二十四卷兩淮鹽政林進本

明朱廷旦撰廷旦字爾兼一號旋卷士嘉善人天啟中貢生是書分一百類每類各爲小序陳勸戒之言而徵引故實列於後其末又綴以詩論其凡例謂上於破疑掃埃故刺惡之條論於廢善備掃聖者謂如病之刺其堅也斯言多主禍福蓋欲世俗易省耳

琴古名言四卷浙江巡撫採進本

明趙民獻編民獻雲南人其書刻於崇禎初年康熙中交河王昭官過西道時得之於其子孫已殘闕失次增復增損其文後任湖廣學政時以授胡之太刊之瑄任滿攜版北歸楚士子復爲重刻故是書有南北二本此卽南

欽定四庫全書總目卷二百三十三

子部

雜家類存目九

本也其書舉先儒嘉言懿行分類編輯凡四十六門多不載所出其凡例云或趙氏所自言或他書所常見故不復細加分別然體例殊不畫一各門之後之又添綴評語尤爲蛇足琯字昭玉交河人康熙癸丑進士官湖廣提學副使此本皆題王琯蓋傳刻之誤之太字聽嚴黃州人其仕履未詳

昨非齋日纂二十卷

江蘇巡撫孫遜本

明鄭瑄撰瑄字漢奉閬縣人崇禎辛未進士官至應天巡撫此書皆記古人格言懿行區爲二十類每類各爲小引然議論佻淺徵引亦多雜糅冥果一類皆出小說家言尤不可爲典要

適吉錄九卷

內府藏本

明顏茂猷撰茂猷字壯其父字仰子平湖人崇禎甲戌特賜進士是編分官鑑公鑑二門皆雜錄諸書因果之事

明百家小說一百九卷

浙江巡撫孫遜本

舊本題明沈廷松編廷松號石閣本詳其篇里前有自序題甲戌小寒日當爲崇禎七年而其書乃全與國朝陶珽續說郭同蓋坊賈以不全說郭偽鐫序日告欺也

讀書止觀錄五卷

浙江巡撫孫遜本

明吳應其撰應箕字次尾貴池人崇禎壬午副榜貢生順治元年大兵破南京殉節死事蹟附見明史邱祖德

傳明末稱復社五秀才應箕爲首其克全晚節尤不愧完人然是書乃槩陳繼儒讀書十六觀之餘緒推而衍之雜引古人論讀書作文之語而稍以己意爲論斷語意儼然類明末山人之派又每條之末必終以讀書者當

觀此六字五卷皆然蓋倣十六觀中讀書者當作是觀之例尤病於效顰

韋荻自佩錄十二卷

浙江巡撫孫遜本

明朱輔撰輔號果庵建德人官至簡州知州此書取唐宋以來議論事實可爲法戒者分類摘載分十二門頗雜以禪門宗旨末爲楠梓堂再刻於靈闕及桂林兵燹散佚康熙四十二年其子受重刻於江寧前有王士禎序稱